

## 老前人心性嘉語



大道開展，上天用意，神人一貫助道宏；辦道人心志專一無不通，本諸身，徵諸庶民，考諸三王而不謬，建諸天地而不悖，百世以俟聖人而不惑，繼天立極，代天宣化，為萬世開出光明坦途。

天下之大，不離於一身；天道之微，不離於一心，心體虛明，則天理顯著，應事處正，則天下安靜，是以知「道」在人身，向外求之者，遠矣。德本於心，向外觀之者，昧矣。

學道之人雖多，或有皓首窮年而不能得者，或有業累纏繞而反多魔者，蓋以未至於「損之又損」之地位，則澄治之功未純，修為之力未到，或今日損，明日益，起滅反復；或損於此，而益於彼，終有牽連，所以不能清靜，不能無為，不能得道矣！